

Efesus Qurañ

Polji Efesus yoñore Qurañ ruaya.

Mimitaniñ buño

Polji Rom sitire witi pigo ñeku Efesus mañkekerisie kubu yoñore Qurañ yo qurañgaya. Efesus oi Eisia prowinsre siti qoruine. Siti ore mañgo rojiki-bajiki kokoine eba eku gobuñ. Polji misin gio baku roregako ateine yokaomo fukeko Efesus wareru gosa yokaomo oo Biñe buño miku goya. Efesus sitio Juda ñiñigo goine kae rauine yoñore botugo gobuñ ore Polji qurañ yo qurañgaru ñiñi qaji yareya, “Kristoji kubu yoyoka qodureme mañkekerisie kubu moakon fukegobire.” (2.15-16), (3.6) Anutuji mañ anjiine eru yaunmoririine mañkekerisie kubu noñunde uruñu ruame pega, oi kokoine mitaniñgaga. (3.10) Ore soso buño yokaomo oi ñiñi miya:

1. Mañkekerisie kufufuñ ñoñoji saki fu moakon fukebi Kristo ñoyoye qoruñañuñ fukega. (1.23; 4.15-16)

2. Mañkekerisie kufufuñ ñoñoji pi moakon oñuine fukebi Kristoji ñoñore otuñ sanañine fukega. (2.21-22)

3. Mañkekerisie kufufuñ ñoñoji ñigo biñe oñuine fukebi Kristoji ñoñañuñ fukega. (5.25-27) Oñuakon Kristoji Efesus ñoñore kubu yoyoka qodure yapeme ore eru saki fu moakon fukegobi. Tatamare ñiñigo fukebuñ ore gogoyañunde kaje-qouñ buñoine buñoine qurañgaya. Oñu.

Buk yoore mobe qorune 4 oi inji:

Buṅo funfunḡaine 1.1-2

Kristo eru maṅkekerisie kufufunḡ 1.3-3.21

Kristoke gogo gariine 4.1-6.20

Qurande buṅo koruṅ qorune 6.21-24

¹ Anutuji Pol noṅ maṅ aṅiinere so sore nuko Kristo Yesure aposol fukego. Maṅkekerisie ogop-une gbagbataeṅine Kristo Yesuke qakatoru Efesus sitio gogobi, nonji ṅoṅoke buṅo mi manekimiṅ ore quraṅ yo quraṅgago.*

² Anutu Mamanoṅuṅ eru Ofonḡ Yesu Kristo yokoji yaunmoriri ṅarebire womoo goinebi.

Kristoji Anuture mifia noreega.

³ Noṅuṅ Ofonḡnoṅuṅ Yesu Kristore Mama Anutu miteṅ gaekimiṅ. Inḡoji noṅuṅ Kristoke qakatok-abeneṅ maṅnoṅuṅji fiainḡo ore Sombunde mifia eru yaunḡ funḡe funḡe oi maṅnoṅuṅḡo ruame go wapegobeneṅ.

⁴ Anutuji noṅuṅ bonieru ronere ronekoṅḡo inji fukekimiṅ ore roosoe nobeya: Kristoji maṅḡo enoreko noṅuṅ inḡore biṅe gbagbataeṅine fukeru Anuture jino maio bakare buṅonoṅuṅ tomiri dimakimiṅ. Onḡo roosoe noberu ore ṅadio Sombuṅ moreṅ bofukeru rua yapeya. Damaṅ oone akonḡo funḡaru ṅinḡigo manjoko enoreru go wapeya.

⁵ Manji jojoko enoreru maṅ aṅiinere so ronekoṅ mibuṅo buruine ruaru buṅonoṅuṅ inji mitariya: Yesu Kristoji maṅḡo enoreko Anutuji oga nobeko inḡoyonunde odumadepu fukekimiṅ.

* **1:1:** Apo 18.19-21; 19.1

⁶ Yoro Madeine oi nonunde ore soreme wakiru Anuture yaunmoririre usun kobiineke kisingaru furiine tomiri mo noreya. Nonun yaunmoririine ore eru Anutu miteŋ gainebeneŋ.

⁷ Anuture yaunmoririre rouŋ oi soguine yobu. Ore so Yesuji dariine keseru oiji duenoŋun baya. Oi bame ore eru Anutuji soine agiburaŋnonun bokeru jure noreega.*

⁸ Inoji yaunmoririine oi rouŋineone boakon yobu keseme painoŋun go ropeya. Manjboronjine ropekiine sosowo ore so inji noreko mane taniŋgagobeneŋ:

⁹ Anutuji rone inoyoŋunde manjo buŋo buru kiperu maneko fiine fukeko buŋo buruine oi soŋsoŋo peko mo go wapebuŋon, Kristoji Anuture buŋo mire so boyoberu wakiru nonun barariŋa noreme ŋoneru manebeŋ.

¹⁰ Anutuji ronekon yaunmoriri buruine fune oi inji manesuya, “Anutu nonji buru oi boyoberu goku gobe damaŋine poretiŋ ware fukeme oo foriineke fukeko inji fukeiŋ: Sosowo Sombun eru morende koroine koroine oo me moreŋo fukeru gogobi, nonji oi sosowo qodureru kipe yabebemiŋ eru Kristo igodongabe sosowo yoŋore qoru moakon fukeru goiŋ.”

¹¹ Anutuji ronekon inoyoŋunde man mamansure so buŋo kipeme pega, buru ore so bapakare buŋoine miko ya sosowo fukeega. Inoyoŋunde buru ore so rone Juda kufufun niŋo inoyoŋunde biŋe fukeru gokimiŋ ore mitariku igodon nobeya. Ore so goine nonun

* **1:7:** Kol 1.14

Kristoke qakatokabeneŋ bomuku nobeko iŋore senŋiŋbaŋiŋ kuriri oi merofuine oŋuine raugaru gogobeneŋ.

¹² Juda kufufuŋ niŋo Kristoji siŋaŋ nobeiŋgo ore odigaru bonieru oori eteru go wapebeŋ, iŋoji noŋuŋ Anuture usuŋ kobiineke oi miteŋ gaku gokimiŋ ore eru roosoe nobeya.

¹³ Kotu moreŋ ŋoŋoreone goineji oŋuakoŋ Kristoke jikigaru qakatobuŋ. Munanŋoqore Bobiaŋ Biŋe mibi buŋo foriine oi maneru maŋ-ŋaŋuŋ kerisiebuŋ. Moro Tiriine iŋoji Anuture kobiinere moge soi fukega. Moro oi soreme wakiŋ ore buŋo kipeya, iŋoji oi maŋ-ŋaŋuŋgo ruame rakaya. Kristo manesiŋ gabi Anutuji mogeine sanaŋine oi bakato ŋabeko gogobi.

¹⁴ Anutuji kufufuŋpuine Sombunde senŋiŋbaŋiŋ kuriri noreinde buŋo kipeya, oi rokiminde moge Moro Tiriine oi rone rua noreya. Moro Tiriine maŋnoŋuŋgo ruame goga ore iŋi mane sanaŋobeneŋ: Anutuji duenoŋuŋ baru biŋepuine fukebeneŋ jiki moreŋgone oga nobeko Sombuŋgo roperu senŋiŋbaŋiŋ bofukekiminŋ. Ore eru Anuture usuŋ kobiineke oi miteŋ gainebeneŋ. Oŋu.

Polji Anutu miteŋ garu iŋi oŋga wosiya:

¹⁵ Oŋu senŋiŋbaŋiŋ bofukekiminŋ ore eru nonji Efesus ŋoŋore oŋga wosiego. Noŋoji Ofonŋ Yesu damaŋ so manesiŋ garu ŋiŋigo gbagbataeŋine sosowo maŋ-ŋaŋuŋji jojoko eyareegobi, goineji ore biŋe buŋoine ŋajibi.

¹⁶ Ore eru biŋe buŋo oi maneboŋ, nonji oŋuakoŋ ŋoŋore eru Anutu miteŋ garu gobonŋ, oi

so bokeboŋ. Mata. Nonji oŋga wosiru oo manesu ŋabeego.

¹⁷ Manesu ŋaberu Ofoŋnoŋuŋ Yesu Kristore Anutu oi iŋi oŋga wosi eteego, “O Mamanoŋuŋ usuŋ Rauine, go Morogo Tiriine oi Efesus ogop-unoŋuŋ yareigoŋ. Moro oi maŋyaŋuŋgo ruande maŋboronŋyaŋuŋ fuŋine mo fukeko Anuturo fuŋne fiine akoŋ barariŋga yareko mane mukunimiŋ.

¹⁸ Anutu, go maŋyaŋunde jiŋo ba taniŋgande gakere Biŋegore fuŋne mane mukunimiŋ.” Anutuji iŋoyoŋunde ŋiŋigo gbagbataeŋine niŋore Sombuŋ Biŋe usuŋine kobiineke oi noreinde buŋo kipeme ŋoŋo ya oi bofukeniŋinde odigaru origanimiŋ ore oŋga ŋareya. Oori ebi Yesuji moke fukeko kuririŋaŋuŋke fukeniŋiŋ, ŋoŋo seŋgiŋbaŋgiŋ ore fuŋine mane sariganimiŋ ore oŋga wosiego.

¹⁹ Manesiŋ gakabi Anuturo usuŋ sanaŋ qaŋqaŋineji maŋnoŋuŋgo saueru gio baega, oiji soguine yobu tatariine tomiri fukega. ŋoŋo ore fuŋine mane mukunimiŋ ore oŋga wosiego. Usuŋ suŋsuŋine qembibiineke oiji sakinonŋuŋ ketigaru dobe nobeega, Anutuji ore usuŋine oi iŋi noduya:

²⁰ Anutuji usuŋine gioo ruaru Kristo bogboreko komegone pakereko eru ogame Sombuŋ kaeo roperu saine saine roregaru koroino koroino yadureru ropeko Anutuji iŋoyoŋunde me furoineo ŋeŋe fuŋfuŋgaineo ruame ŋega.*

²¹ Eme morumboŋ ŋeŋeineo ŋeku yareya sosowore qorunonŋuŋ dimaga. Nemu mamari

* **1:20:** Kiki 110.1

siŋaŋ eru yoŋore mea rurumaŋgo muraŋ, koito wawakiine eru gawman kiap ropekiine eru wawakiine usunyaŋuŋke siŋaŋ nobeegobi, Kristoji yoŋore fuŋqodu fukeru sosowo yobu siŋaŋ yabeega. Sombuŋ kaeo, moreŋgo eru yokore botugo siŋaŋ tina sosowo miyarebi osigagobi, Kristoji oi sosowo yadureru ropega. Morende damaŋ yoo akoŋ matayoŋ, jiki damaŋ fuŋine mo fukeko go ropekimin, oo oŋuakoŋ yareya sosowo siŋaŋ garu go ropein.

²² Anutuji iiru, gemo, ŋiŋigo eru yareya sosowo oi bawakiru Kristore rurumaŋgo rua nobeko gobeneŋ Ofonŋoŋuŋ ropekiine fukega. Anutuji Kristo oi maŋkekerisie kufufuŋ noreru qorunoŋuŋ di-main ore igodoŋgame goga.*

²³ Inoji keji noberu maŋkekerisie kubu zioz noŋunde qoru fukeko noŋuŋ inore forire me kufu sisipu fukegobeneŋ. Kristoji qorunoŋuŋ fukeru inoyone akoŋ ŋeko so saganayoŋ, noŋuŋ inore me kufupu fukeru inoke jikigabeneŋ foriineji fukeko sagaga. Kristoji oŋuakoŋ yareya sosowore mobe mo fukeru jikigako sosowo noŋuŋ Anuture kuririnoŋuŋke fukebeneŋ sagaru raega. Oŋu.*

2

Komegone gboreru Kristoke sanaŋgaru gogobeneŋ.

¹ Ronekoŋ kadi odureru agiburaŋine agiburaŋine ebuŋ ore gogo komekiine go wapebuŋ.*

* 1:22: Kiki 8.6 * 1:23: Kol 1.18 * 2:1: Kol 2.13

² Noŋo daman̄ oo morende eebobo sembene boyobebun̄. Gemokaku yoŋore Koitoji daman̄ yoo Sombun̄ moreŋ botuyakun̄go goku qoqo-muku n̄iŋigo man̄yan̄un̄ boburoru sin̄an̄ yabeega, in̄oreo qakatoru reŋgaru gobun̄.

³ Noŋun̄ sosowo oŋuakon̄ rone yoŋore bo-tugo keoma eru kosa goben̄. Maŋ sakire an̄inoŋun̄ sanan̄ine sembene boyoberu noŋunde an̄igo goben̄. Oŋu kosa gobenen̄ Anutuji ñone nobeme so sagako yomben̄ine painoŋun̄go ruame goben̄. Bun̄o qoqomuku n̄iŋigo goine yoŋore so oŋuine Anuture yombende biŋe fukeru goben̄.

⁴ Oŋu goben̄yoŋ, daman̄ yoo oŋuine mata. Anutuji ñonemaiŋine tatariine tomiri oiji man̄joko enoreya.

⁵ Kadi odureru Anutu qopieru ore eru komekiine fukeru goben̄yoŋ, Anutuji Kristo bogboreya, noŋun̄ oŋuakon̄ bogbore nobeko sanan̄garu gogobenen̄. In̄ore yaun̄moririji munan̄ qa ñareme moke qowiriebun̄.

⁶ Kristoji pakereya, noŋun̄ oŋuakon̄ wiwi nobeko komegone pakereben̄. Anutuji Kristo Yesu ogame Sombun̄ kaeo ropeya, noŋun̄ oŋuakon̄ Sombun̄ gogore koro pegobi, oo rua nobeme in̄oke goine sin̄an̄ yaberu gogobenen̄.

⁷ Anutuji in̄i ore oŋu rua nobeya: Anuture yaun̄moririre rouŋ tatariine tomiri oiji totogo fukeko mane taniŋakimiŋ ore maneya. Mane taniŋgaru jiki daman̄ine daman̄ine fun̄ine mo fukeko tatariine tomiri go ropekimiŋ, daman̄ oo oi bosogue noreiŋgo maneya. Anutuji Kristo Yesu soreme wareru man̄jokoine oŋu noduya.

⁸ Anutu manesiŋ gabi yaunmoririineji munan qa hareme moke qowiriebuŋ. Noŋo-ŋaŋe maŋgo ee eku oŋuine oiŋi so qowiriebuŋyoŋ, Anutuŋi yaunŋinere eru qowirie ŋabeya.

⁹ Noŋo-ŋaŋe ya mo basarigabuŋ ore eru so qowiriebuŋ. Moŋi mo iŋoyoŋunde saki egu ba ropeiŋ ore eru yaunmoririinere akoŋ oŋu eŋareya.

¹⁰ Noŋuŋ Anuture mequraŋ gogobeneŋ. Kristo Yesuke qakatobeneŋ Anutuŋi maŋ gariine bofuke noreya. Anutuŋi bonieru gio fiine fiine roosoeru bomogaya, noŋuŋ oi baku gokimiŋ ore oŋu bofukeru noreko gogobeneŋ. Oŋu.

Kristoke qakatoru saki fu moakoŋ fukegobeneŋ.

¹¹ Ore eru Efesus ŋoŋo rone Juda ŋiŋigo so fukeru Anuture kufufuŋ so gobuŋ, oi manesuku goinebi. Goineji ŋoŋore iŋi miku miŋararu gobuŋ, “Niŋo Anuture mogenoŋuŋke gogobeneŋyoŋ, kantri goine ŋoŋo ŋiŋigo omaine mogeyaŋuŋ tomiri!” Tina oi ŋi meŋi moge saki-noŋuŋgo ketigaegobi, oi manesuku miku gobuŋ.

¹² Noŋo damaŋ oo maŋ-ŋaŋuŋ Kristoke so kiperu omaine sakiineo gobuŋ. Kotu moreŋ ŋoŋo Juda kufufuŋ niŋore mobepunoŋuŋ gobuŋ. Anutuŋi ŋiŋigo iŋoyoŋunde roosoe nobeko gogobeneŋ, ŋoŋo niŋore botugo tinaŋaŋuŋ tomiri gobuŋ. Anutuŋi Biŋeine ogopuine yareiŋgo miku buŋo kipeya, ŋoŋo oi so yobu mane mukuru mo gobuŋ. Seŋgiŋbaŋgiŋ fukeniinde oorinaŋuŋ tomiri. Anutuŋaŋuŋ tomiri oŋuine moreŋgo omaine kosa gobuŋ. Oi manesuku goinebi.

13 Nonjo rone taitai gobunjon, Kristo Yesuke qakatobi dariineji jure nabeke daman yoo afa-garu Anuture bembengo wareru gogobi.

14 Kristo inoyone womo Raunonun fukega. Inoji Juda kufufun eru kotu moren ninigo kubu yoyoka nonun qodure nobeko bodureegobenej. Botunonunngo rosi peku sa ruge sananine sariku boroin nobeya, inoji agi oi odepariko mankekerisie kufufun moakon fukegobenej.

15 Yesuji inoyonunde moren sakiji komeko onjuine oiji Juda ninore Kadi bunjo eru ore mimi-pan bunjo eru mimiti goine oi ketotieya. Kubu yoyoka qodure noberu kufufun gariine moakon fukekimin ore oi ketotieya. Ore eru man garine bofuke noreko Kristoke qakatobenej botunonunngo womo bofuke noreya.*

16 Kristoji komeru rosi eebobononun mariponngo qame komeru rakaya. Saki fuine moakonji komeya ore dariineji ninigo kubu yoyoka oga nobeko soine kirieru Anuture manfunngo warekimin. Onu qodure nobeko soine mebobo ekimin. Oi eforeru Kristoke saki fu moakon fukeru gogobenej.*

17 Kristoji wareru womo fukeingo ore Biineine oi kotu moren ninigo Anutu ndadi gaku taitai gobun, nonore mitaninga nareya eru Juda ninigo Anuture manfunngo goben, ninore moko akon mitaninga noreku goya.*

18 Kristoji Juda eru kotu kantri ninigo nonun sosowo mango enoreko Moro Tiriine moakonji

* 2:15: Kol 2.14 * 2:16: Kol 1.20 * 2:17: Ais 57.19

kadi noduko soine afagaru Mamanonunde jinjo maio ropekimin.

¹⁹ Ore eru njonjo Juda ninjigo matayon, jibu kotu ninjigo yayabaine oi so jikigaru gogobi. Anutуре kae moren rauine gbagbataenine fukebi ninjoke moko Anutуре manjekerisie kufufun fukegobeney.

²⁰ Kajeqoun ninjigo yonjoi ronekon Anutуре bujoi otun sikeru igodonjabi Kristo Yesu injoyone wareru otunonun sanajine fukeru aposol sore noberu qorunonun dimako Anutуре manjekerisie sorin fukegobeney. Njonjo onuakon otun oo roperu kikitin nadungadun eku sasanan bofukeegobi.

²¹ Injoi pi oi bojigaru qodureru kipeme dimaega. Nonun Ofonke qakatoru dimaku bodurebeney mamanesinonunji sanajaru sogueko Anutуре manjekerisie sorin kubaine fukegobeney.

²² Njonjo onuakon Ofondeo qakatoru manjekerisie ogopunonun goine yonjoke bodureru moko dimaku man-nejun kitingaku nadungadun eku sasanan bofukeegobi. Onu dimaku Anutуре manjekerisie sorin fukebi Moro Tiriine man-nejun ruame injoyone sorin ore manineo goga. Onu.

3

Polji kotu kantri yonjoreo raru Biye gio baya.

¹ Funne ore eru Pol nonji kotu kantri ninjigo njonjo bapi nabebemin ore gio baku gogo. Onu

gobe Kristo Yesure gio babe ore witi pigo rua nubi n̄eku dikanji keru oŋga wosiego.

² Anutuji yaun̄moririine kantri goine n̄oŋore boroŋga n̄areme fianiminde gio nareya, n̄oŋo oi foriine mane foregobi.

³ Anutuji buŋo buruine soŋsoŋine barariŋga nareru miko mane mukugo, buŋo ore fuŋ qondiŋine yobu quraŋga n̄areboŋ.

⁴ Quraŋga n̄areboŋ, n̄oŋo quraŋ oi oseru soine nonde fuŋne iŋi mane mukuinebi: Nonji Kristore fuŋne soŋsoŋine oi fiine akoŋ mane mukugo.*

⁵ Ronere ronekoŋgo n̄iŋigoji fungaru go waperu gobuŋ, yoŋoji damaŋ oo Biŋe sumuŋine ore eru mo gobuŋ. Oŋuine go wapebuŋyoŋ, damaŋ yoo Moro Tiriineji oi Anuture aposol eru kajeqouŋ n̄iŋigo roosiŋine niŋore miku barariŋga noreme manegobeneŋ.

⁶ Biŋe sumuŋine oi iŋi: Kristo Yesuji senŋiŋbaŋgiŋ biŋe qa noreiŋgo miku buŋo kipeya, n̄oŋo oi Juda niŋoke sogokoŋ sabareku roru gogobi. Bobiaŋ Biŋeji ore fuŋine oi kotu moreŋ n̄iŋigo n̄oŋore oŋuakoŋ n̄aduega. N̄oŋo maŋ-n̄aŋuŋ kerisieru soine niŋoke moko mifiare Biŋe so moko akoŋ raugaru gogobi. Maŋ-n̄aŋuŋ Anutuke kiperu moko Kristore saki fu fukeru niŋoke kubu moakoŋ dimagobeneŋ.

⁷ Iŋore usunji nonde maŋne boburoko maŋne kerisiebe Anutuji yaun̄moririine furiine tomiri mo nareya. Oi nareko kadi fukeko Bobiaŋ Biŋere gio bobo ŋi fukeboŋ.

* **3:4:** Kol 1.26-27

⁸ Nonji Anuture kufufuŋ gbagbataeŋine sosowo ŋoŋore mea yukuo wawakiine yobu gogo. Onu gogoyon, Anutuji jibu yaunine ropekiine injiine nareya: Nonji Kristore seŋŋinbaŋinde Biŋe oi kotu moreŋ ŋiŋigo ŋoŋore mitaniŋgabemiŋ ore ki-waqawaineke manego. Seŋŋinbaŋiŋ ore fuŋine oi sosowo sikeku mane muku forekimiŋ ore so mata.

⁹ Anutuji ronere ronekoŋgo ya sosowo bo-fukeru Biŋeine sumuŋine kejiŋgako ŋiŋigoji go waperu gobuŋ, damaŋ oo mo gobuŋ. Ore eru nonji Anuture Biŋe buru sumuŋine oi siŋaŋ garu gobe foriineke fukeega. Nonji ore fuŋine totogo mibe ŋiŋigo sosowoji mane sariganimiŋ ore ki-waqawake manego.

¹⁰ Anutuji maŋboronine fuŋne fuŋne fuŋine mo barariŋga noreme damaŋ yoo maŋkekerisie kufufuŋ kubu botunoŋuŋgo mimane ebeneŋ to-togo fukeru saueega. Anutuji maŋ aŋiine inji maneega: Nemu mamari siŋaŋ eru koito wawakiine mimerereŋ ropekiine eru wawakiine Sombuŋ moreŋ botuyakuŋgo yareya sosowo siŋaŋ gae-gobi, yoŋoji oŋuakoŋ Anuture maŋboron oi kaje ruaru maneniminde maneega.

¹¹ Yoŋoji oi manenimiŋ ore Anutuji Biŋe bu-ruine oi ronere ronekoŋgo damaŋ tomiri oo injoyonunde maŋgo misanaŋgaru ruame peya. Ore so Ofonŋonuŋ Kristo Yesu soreme foriine bo-fukeko kufufuŋpuine fukeru qodureru dimagobeneŋ.

¹² Kristoke qakatoru dimaku manesiŋ gabeneŋ Anuture mendiji onu aŋgame soine inore jiŋo maio ropekimiŋ ore koimo dimagobeneŋ.

13 Ore eru inji karie n̄arego: “Nonji witi pigo n̄eku n̄oṅo fianimiṅ ore eru koṅkoṅ maneru goego, ore eru maṅ-ṅaṅuṅ so wakiine. N̄oṅo nonde joiserereṅ ore eru soine kuririṅaṅuṅke fukeniṅiṅ.” Oṅu.

Polji Efesus yoṅore inji oṅga wosiya:

14 Fuṅne ore eru nonji Mamanoṅuṅ dikanji keteru oṅga wosiego.

15 Inoji akonṅ mamanoṅuṅ fuṅfuṅgaine fukega. Inore so Sombuṅ eru morende kufufuṅ sosowo noṅuṅ mamare tina oi miku oṅgaegobeneṅ.

16 Inji oṅga wosiego, “Anutu, go Morogo Tiriine rua yabende maṅyaṅuṅji sanaṅgæiṅ. Gore Biṅe usuṅine kobiineke oi tatariine tomiri rouṅgoo pega, go usuṅo ore so basanaṅ yabeeigonṅ.

17 Basanaṅ yabende soine Kristo manesiṅ gabi maṅyaṅuṅgo n̄eṅe roru goiṅ. Oṅu gome sorukuṅyaṅuṅ Kristore manji jojokoo gbedigaru bodugabi rakako qinṅ keru dimanimiṅ.

18 Manjokoineji maṅgo eyareko kufufuṅ gbag-bataeṅine sosowo yoṅoke soine Kristore manjokore fuṅne mane mukunimiṅ.” Manji jojoko enoreega, manjoko ore so oi inji: Qaṅaṅine mobe-mobe tatariine tomiri raru bibiega. Joroine arore aroo ra tomirega. Joroine paibere paibeneo ropega. Oṅuakonṅ dikiine yukire yukiineo rakaru pega.

19 Kristore manjokoji morende mamanoṅunde so odurega. Oi mane forenimiṅ ore inji oṅga wosiego: “Anutu, go kuririquraṅgo sosowo oiji maṅ mamanyaṅuṅ puseru gbogbo ba yareigonṅ.”

²⁰ Anutu oṅu oṅga wosi teru iṅi ore miteṅ gaego: Nonuṅ mamane odureru yare oṅga wosiru weunobeṅ me pororo sasako ṅoneru manesunobeṅ ine, iṅoji ya oi soine basanaṅ nobeṅ. Anutu usuṅineji maṅnonuṅgo gio baega, iṅoji ore so oṅgawowosi eru mamananonunde so oi odure foreru afagaru ya sosowo soine noreeiṅ. Ore eru miteṅ gaekimiṅ.

²¹ Maṅkekerisie kufufuṅ nonuṅ tumanguaru Kristo Yesure eru Anuture tinabiṅe miteṅ gabeneṅ kuririineke fukeru peine. Oi apa ṅasopunonun yonoji basanaṅgaru tatariine tomiri pe ropenimiṅ, damaṅ oo oṅuine akon kuririineke fukeru peine. Buṅo oi foriine.

4

Kristoji qodure nobeko saki fu moakon fukegob-eneṅ.

¹ Nonji Ofoṅke qakatoru dimaku gioine babe ore witi ṅi fukego. Buṅo oi miforeru maṅ-ṅaṅun buṅo yoji miku bapakarego: Anutuji eebobo kuririineke eba eku gonimiṅ ore oṅga ṅareya, ore so ṅoṅo gogo fuṅine mo goinebi.

² Maṅ-ṅaṅun ba waki eru buṅo rurumaṅgo raru ṅiṅigo waigo paio eyareku goinebi. Yobiṅ maneku kariere goinebi. ṅoṅo aimuṅ eru sem-benere mobe so bokirieinebiyoṅ, mirimbobo eru manji jojoko eku goinebi.*

³ Moro Tiriineji maṅ-ṅaṅun qojuṅgaru womore niginji kiperu qodure ṅabeega, ṅoṅo maṅkikipe oi botuṅaṅunṅo peiṅ ore yameṅ keku dimainebi.

* 4:2: Kol 3.12-13

4 Anutuji onga hareya, oo sogokon senjinbanjin bofukekimin ore oorinanun moakon oi akon hareme odigaru gogobi. Ore so nono onuine akon Kristore fori saki fuine moakon fukebi Moro Tiriine moakonji dobe habeko goinebi.

5 Ofohononun moakonji sinan habeko sogokon manesin gabi miti meso moakon oi akon rau harebi moko fukeru gogobi.

6 Anutunonun moakonji sosowo mama enoreega. Inoji ya sosowo yobu nodureru Ofohononun ropekiine fukeega. Onu fukeru miine rengakimin ore sosowo bapakareru dobe noberu manonun so neje gogo enoreega.

7 Ore so sogokon Kristore saki fu moakon gogobeneyon, Kristoji yaunmoririine man anjinere so kese noreya. Gio bobore mamane yaun fune fune oi moakon moakon sononunngo boroinga noreko gogobeney.

8 Ore bunoine oi inji mime Biye Qurango pega, “Inoji paibe roperu dimaku witi ninigo kokoine oga yabeko binepuine fukebi yaunine yaunine oi ninigo nonunde noreya.”*

9 “Paibe ropeya,” Anutuji bunjo oi urunure miya? Ore fune oi inji: Kristoji rone Sombungone wakiya. Oi moren dikiineo yukibe rakaya.

10 Rakaya, injoji onuakon kirieru paibe ropeya. Roperu Sombun kaere koroine sosowo yadureru paiineo paibe roperu goga. Oo goku Sombun eru morende yareya sosowo oi usunineji pusegaru sosowo saga foreko goga.

* 4:8: Kiki 68.18

¹¹ Kristoji niŋigo noŋunde mamane yaunine fuŋne fuŋne ini boroiŋga noreya: Gioine boroiŋga noreko goineji sosore niŋigo qoruine (aposol) fukebuŋ. Goineji kajeqouŋ niŋigo (profet) fukebuŋ. Goineji maŋbapakare niŋigo (ewanjelis) fukebuŋ. Goineji njirau pasto eru qaqaŋi fukebuŋ.

¹² Kristore saki fu oi maŋkekerisie kufufuŋpuine. Niŋoji yoŋore maŋ kitiŋgabeneŋ sasanŋ bofukeniŋiŋ ore gioine oŋu boroiŋgaru igodoŋ nobeya. Kufufuŋ gbagbataeŋine noŋuŋ sosowoŋi mande gio bakimiŋ ore jaue foreru gokimiŋ ore eru oŋu basanaŋ nobeya.

¹³ Oŋu oŋu gio furuine furuine baku goku Anutu manesiŋ garu jiki Madeine mane mukuku oiji qoqodure eku moakoŋ fukeru dimakimiŋ. Anutire mamane eru kuriri yaine sosowo oi kokoiineji Kristoreo pega. Niŋoji Kristore rouŋgone mamaneine eru usuŋine porebeneŋ gbogboba nobeko sogueru saueru sanaŋgaru gobeneŋ kuririine kese noreko sosowo fukeko gokimiŋ.

¹⁴ Jikigaru namade oŋuine egu gokimiŋ ore Kristoji maŋnoŋuŋ bapakareru iŋoyoŋe oŋuine kuririnoŋuŋke fukekimiŋ ore dobe nobeega. Namade oŋuine gobeneŋ penaroŋ niŋigoŋi buru oi me oi ruaru gbedigaru kepore norebi rondiŋgaru waki nobeya, ŋoŋo ore so fukeru kosa egu gonimiŋ. Gbinji poporiŋ oruŋoruŋ keko koeŋi kuku-gako siriji yaurasa kosa ogagaru raqo-wareqo eru siombenŋsaombenŋ eega. Ore so moreŋ niŋigoŋi sakigo rurua eru qouŋ baku mamane eaduineke bofukeru niŋigo kosa qaŋi yarebi tiŋtuŋ eegobi.

¹⁵ Ore so kosa so goinebiyon, buɔo foriine akonɔ damanɔ so miku jojoko naduɔɔgadunɔ eru goinebi. Onu goku Kristoji qorunonunɔ fukega, sorukuɔanunɔ inɔreo gbedigabi rakako qinɔ keru ya sosowo oo sogueru sananɔgaru kuririnɔanunɔke fukeru goinebi.

¹⁶ Kristoji qorunonunɔ fukeru inɔyonunde saki fu nonunɔ sosowo sinanɔ nobeko ruaine sosowoji saki fuine eru me kufuine jikigaru kiperu qodure norebi moko fukegobeneɔ. Usunɔ moakonɔ moakonɔ pe norega ore so giononunɔ baku kitingaru manɔi jojoko naduɔɔgadunɔ ebeneɔ foriine saki fu oiji sananɔgaru sogueega. Onu.*

Tatamare eebobo gariine eba eku goinebi.

¹⁷ Onu fukegobeneɔ ore nonɔi Ofonde mi baru sinanɔ bobo buɔo inɔi mibe mane mukuinebi: Manɔkekerisiere yaura ninɔigo manɔ mamaneyanunɔ jibugame yau onuine fukeru omaine yobu kosa goegobi, nono yonore kamasi sembene oi so jikigaru eba eku goinebi.

¹⁸ Manɔkekerisiere yaura ninɔigo yonore manɔ mamaneɔi qisiri eko Anutuke gogore jijibu eku jibugagobi. Mamane sembeneɔi manyanunɔ kebojiru gigaya ore eru qaqouma eru mutu gogobi. Ore eru Anuturre gogo sananɔineo so qakatoegobiyon, yonoyonɔ akonɔ kosa yobu gogobi.

¹⁹ Sinanɔyanunɔ so sisinanɔ ebi manyanunɔ kejiɔa foreko mimi dariineke maneru gogobi. Manyanunɔ boesauji kiperu keboji yabeme ya onuinere kosa jerieegobi. Ya roku rokiminde ebu eru sase eegobi.

* **4:16:** Kol 2.19

20 Yoŋoji oŋu eegobiyon, ŋoŋo Kristoke gogore fuŋne oi oŋuine so qaji ŋarebi manebun.

21 Ŋoŋo buŋo foriinere Rau Yesuke qakatobi ore so fuŋine qaji ŋarebi foriine inji mane mukubun:

22 Rone eeboboŋaŋun raŋgbaŋine boyobebi aŋiŋaŋun sanaŋine sembeneji sinefuru enjareme sisibiri ee eiŋgo ebun. Kadi qaji ŋarebi manebun, ore so maŋ-ŋaŋun raŋgbaŋine bomukuru bokero ŋadi gainebe.*

23 Maŋ mamananŋaŋun bogborebi gborero goinebi ore kadi qaji ŋarebun.

24 Anutuji noŋun injoyonunde mosire so gbag-bataeŋine fukero sanaŋgaru gokimiŋ ore bofuke nobeya. Maŋ gariinere gogo posiine boyobekimiŋ ore rua nobeya. Ore eru maŋ gariine oi akoŋ bio kebi rakako goinebi. Kadi oi oŋu qaji ŋarebi mane mukubun.*

25 Kadi oŋu peko noŋun Kristore saki fu moakoŋ ore maŋineo kakagbo oŋuine jikigaru oogo fukero gogobeneŋ. Ore eru buŋo ikoine oi bomukuru bokebi rakame botuŋaŋunŋo buŋo foriine akoŋ sosowo mimane eku goinebi.*

26 Kanegaru yombeŋgo enimiŋ ine, jibu agibu-
raŋ so einebi. Maŋ-ŋaŋun rigaŋgain, buŋoŋaŋun oi pipa wegi jiŋoji so tariru rakame mitaribi posikeine.*

27 Oŋu Sembene Rauineji botuŋaŋunŋo egu wapeiŋ ore kepiero damaŋ mo so oteru pipa yobeinebi.

* 4:22: Kol 3.9 * 4:24: Jen 1.26; Kol 3.10 * 4:25: Zek 8.16

* 4:26: Kiki 4.4

28 Moji kian bobo goya, inoji onu moke so eine. Onu matayon, inoyonunde meji gio yamen keku baku goine. Gio baku inoyonunde ugo meboine bofukeru soine afagaru ninigo wakiqoqoine kitiŋ yabeeine.

29 Buŋo sembeqambe mo miŋaŋuŋgone so wakiineyon, buŋo ninigo maŋyaŋuŋ kitiŋgaku basanaŋgaiŋ, ŋoŋo oi akon miku goinebi. Ninigo buŋoŋaŋuŋ maneru maŋyaŋuŋ pega ore so unŋowonde embimbiŋgagobi, ore so kajeqouŋ buŋo yarebi aŋiine maneru fianobuŋ.

30 Anutuji biŋepuine duenoŋuŋ bako Som-buŋo ropekimin, damaŋ ore moge sanaŋine qakato ŋabeko maŋ-ŋaŋuŋgo rakaru Anuture moge fukega. Ore eru Anuture moge Moro Tiriine oi beusembe so qa teinebi.

31 Ŋoŋo maŋmoki eru maŋgigi sosowo oi qomukuru bokebi jorigo ŋeine. Manjoji so boruŋgaru ja ŋabeko maŋ-ŋaŋuŋji jigo qaku kakane keku egu mimi einebi. Onuakon ŋadiqoqo buŋo fofoine oi so miinebi. Wuwunuŋ fuŋne fuŋneji maŋ-ŋaŋuŋ egu kebojigaiŋ ore oi sosowo ŋadi gabi jojorigo peine.

32 Jojorigo peineyon, oogo eku kekemirin eru waigo paio ee eru goinebi. Kristoke qakato bi Anutuji agiburaŋ-ŋaŋuŋ bokeru jure ŋareya, ŋoŋo ore so jikigaru agiburaŋ-ŋaŋuŋ boboke eru goinebi. Onu.*

5

Anuture tatamago gogo oi inji:

* 4:32: Kol 3.13

¹ Anuture yoro odumadepu fukegobi ore eru eebobononon yamen keku Anutuji eega ore so eku boyoberu goinebi.

² Kristoji manjoko enoreru gogoine ninore eru kisingaru bokeya. Boji rigabi kondunineji ropeeya, Anutuji ore so Kristo gogoinere yauon oi mane sabareko kouine mumundonineke onuine fukeru inore jinoo isirigame jerieya. Nonon onuakon manji jajokoo dimaku Kristore so manjoko nadun gadun eru eba eku goinebi.*

³ Boesau eru wuwunun fune fune me ebure (greedy) mosi oi Anuture jinoo so sagaga. Ore eru Anuture ninigo gbagbataenine fukegobi ore so ya onuine buon mo oi botunanunon so bouaku mibi maneinebi. Mata yobu!

⁴ Sio eku igosisi eru buon sembeqambe mamagiineke eru buon rerekaine oi so miinebi. Oiji man-nanon kebojigako so sagaga. Ore eru oi boke foreku mimiten buon misaueku goinebi.

⁵ Buon korun yo mane komeinebi: Moji boesau me wuwunun me ebu fukeru yare sase eega, inoji Anuture qoruman oi raugainon embimbinon. Eebobo oiji nemu ikoine me nemu gbon miten yabeegobi ore kamasi fukega. Onu ega, inoji Kristo eru Anutu yokore qoruman manineo ropeinon embimbinon.

⁶ Anutuji agiburan onuine eru kanegaru yombenine buon qoqomuku ninigo yonore paio ruame ropega. Ore eru moji buon omaine onuine miku jiji eru kepore naberu egu eadu narein.

* 5:2: Eks 29.18; Kiki 40.6

7 Ore eru n̄iṅigo oṅuine ṅadi yaberu yoṅoke aṅibaṅi so goinebi.

8 Rone q̄isirigo gobuṅyoṅ, damaṅ yoo Ofonke q̄akatoru dimaku iṅore tatamake gogobi. Ee-boboṅaṅuṅ tatamainere biṅe fukegobi ore so eba eku goinebi.

9 Tatamare biṅe fukegobi ore touṅmoriine foriine oi iṅi: N̄oṅo eebobo fiine boyobebi Anutuji buṅoṅaṅuṅ mitariko posikenimiṅ eru buṅo foriine yobu oi akon̄ miku gonimiṅ.

10 Wamo ya Ofonde jiṅo maio sagaiṅ, ore fuṅine baaru osoeru mane mukuinebi.

11 Q̄isirire eebobo abutaine eru baegobi, yoṅoke aṅibaṅi so jikigaru goinebi. Yoṅore sembene oi barariṅga yareru tatamago ruaru miyareinebi.

12 Goineji agiburaṅ soṅsoṅgo baegobi, oi totogo mibeneṅ mimiineke egu fukeiṅ.

13 Anuture tatamaji agiburaṅyaṅuṅ sosowo batamaeko fuṅneyaṅuṅ foriineji totogo fukeiṅ.

14 Tatamare Rauji soṅsoṅ yaine sosowo barariṅga yareko tatamago fukeru peiṅ. Ore eru buṅo mo iṅi mibi pega,

“Kubaṅ pege, go maṅgo gboreko mane.

Go komegone gboreru pakerende Kristoji batamae guiṅ.”

15 Buṅo ore so eeboboṅaṅuṅ oi maṅgboroṅke eba eku goinebi. Mutu fukeru kosa egu gonimiṅ ore ṅoṅo fiine akon̄ sisiṅaṅ eku goinebi.

16 Damaṅ yoo damaṅ sembene fukega ore eru mande gio bakiminde kadi mo fukeiṅ,

damaŋ oi so bojibukaku sibirigainebiyoŋ, ŋiŋigo keririŋyaŋuŋgo raru waigo uŋsowoŋ eyareinebi.*

¹⁷ Ore eru ŋi maŋyaŋuŋ tomiri oŋuine kosa so goinebiyoŋ, Ofonde maŋ aŋi oi fiine akon mane taniŋgaru dimainebi.

¹⁸ Wain obu sanaŋine noku manjijibu so einebi. Ŋoŋo-ŋaŋunde aŋigo gobi mamananəŋuŋ sembeneji fukeko qisiri gogoo kemukuru rakaru egu sibiriganimiŋ. Ore eru bobojibu so einebiyoŋ, Moro Tiriineji maŋ-ŋaŋuŋ puseinde yameŋ keku dimainebi.

¹⁹ Ŋoŋo Biŋe buŋo mimane eku miti kiki (Buk soŋ), mimitəŋ kiki (owaowa) eru mande kiki goine oi maŋ wombun-ŋaŋuŋgo keku Ofon miteŋ gaeinebi.*

²⁰ Oŋu me oŋu fukeko ore eru Ofonŋonoŋuŋ Yesu Kristore tina oŋgaku Mamanonəŋuŋ Anutu jijiki danŋe miteku goinebi. Oŋu.

Ŋoe ŋonoŋ yoŋore uŋsowoŋ buŋo

²¹ Kristore mi egu odurenimiŋ ore kokoiŋaŋuŋ maneru botuŋaŋuŋgo buŋo rurumaŋgo rakaru goinebi.

²²⁻²³ Kristore saki fu oi maŋkekerisie kufufuŋ. Iŋoji ore qoruine eru Munanqoqo Rauine fukega. Ore so ŋiji oŋuakonəŋ ŋonoŋinere qoru fukega. Ore eru ŋigo ŋoŋo Ofonde buŋo rurumaŋgo rarare so ŋoŋo-ŋaŋunde ŋoepu araŋ ba yareru buŋoyaŋunde rurumaŋgo raru goinebi.*

²⁴ Maŋkekerisie kufufuŋ nonəŋuŋ Kristore buŋo rurumaŋgo dimagobeneŋ, ore so ŋigo ŋoŋo

* **5:16:** Kol 4.5 * **5:19:** Kol 3.16-17 * **5:22-23:** Kol 3.18; 1 Pi 3.1

oṅuakon ḡoepuṅaṅuṅ yonore buṅo sosowo boy-obeku goinebi.

²⁵ Kristoji inoyonunde maṅkekerisie kufufuṅ manjoko enoreru nonunde ore gogoine useru kisingaya, oṅuine ḡi ḡonḡoji oṅuakon ḡonunṅpuṅaṅuṅ manjoko maṅyauṅ eyareku goinebi.*

²⁶ Kristoji maṅkekerisie kufufuṅine Biṅe buṅoineji roosoeru ḡigo biṅeine gbagbataeṅine fukekiminṅ ore obu oṅuine oiji jureru bofosike nobeya.

²⁷ Inḡoji nonuṅ momoṅine posiine yobu fukekiminṅ ore maneru maṅnonunde gara bofosikeru jukuwi yauine tomiri fukekiminṅ ore yameṅ keega. Kufufuṅ gbagbataeṅine bakare buṅononunṅ tomiri fukekiminṅ ore maneeḡa. Kristoji wareru oḡa nobeko kuririḡuraṅineo paibe ropebeneṅ jojoriṅineji igoko tamaeru ḡigo biṅeine oṅuine inoyonunde jḡo maio rua nobeko kuririnoṅuṅke eru ḡone aṅinoṅuṅke dimakiminṅ.

²⁸ Ni ḡonḡo oṅuakon Kristore kamasi oi boyoberu ḡonunṅpuṅaṅuṅ manji jojoko eyareru goinebi. Nonuṅine jojoko eteeḡa, inḡoji inoyone sisinḡaṅ eega. Ore eru ḡonḡo-ḡaṅunde saki fuṅ sisinḡaṅ eegobi, oṅuine oiji ḡonunṅpuṅaṅuṅ sinḡaṅ yabebi sagainṅ.

²⁹ Moji mo inoyonunde saki fu damanṅ mogo rosi so eteyayonṅ, sosowo nonuṅ saki funonunṅ gumeru sinḡaṅ gagobeneṅ. Kristoji oṅuakon maṅkekerisie kufufuṅpuine nonuṅ saki fuine oṅuine buṅoineji gume noberu sinḡaṅ nobeeḡa.

* 5:25: Kol 3.19; 1 Pi 3.7

³⁰ Mañkekerisie kufufuñ noñuñ Kristore saki fuine fukegobeneñ. Noñuñ Kristore saki fure me kufupu fukeru gogobeneñ. Ore eru gume nobeega.

³¹ Biñe buño mo inñi pega, “Ore eru ñiji maño mamaine boke yaperu ñonuñineke qakatoru yoyoka yokoji sakimoakon fukeru gonimi.”*

³² Buño oi soso buño sumuñine. Oi Kristo eru mañkekerisie kufufuñ noñunde mañ jójokonoñunde miku qurañgago. Buño buru ore fuñine oi sumuñine eru dikisiaine rakakiine.

³³ Oñu fukegayoñ, ñoñore buño oi inñi migo: Ñoño moakon moakon oñuakon ñonuñpuñañuñ ñoño-ñañe sisinñañ eegobi ore so manñi jójoko eyareru goinebi. Ñigo ñoñoji oñuakon ñoepuñañuñ arañ ba yareku goinebi. Oñu.

6

Odumade eru mañgomama yoñore mañkikipe

¹ Odumade ñoñore eebobo poretiñ oi inñi: Ñoño Ofonke qakatoru maño mamayokañañuñ yokore mi reñgaru boyoberu goinebi.*

² Anutuji mimipañ buño 1-2-3 ore tatariineo furiine noreiñ ore so miya pegayoñ, mimipañ buño jare 4 oi kikipe buñoineke. Rone inñi miga, “Maño mama yokago arañ ba yateru goigoñ.” Buño oi reñgabeneñ Anutuji ore furiine noreinde buño inñi kipeme qurañgabi pega,*

³ “Arañ ba yatende Anutuji touñmoriri gareko jikigaru moreño damañ joroine go ropemiñ.”

* **5:31:** Jen 2.24 * **6:1:** Kol 3.20 * **6:2:** Eks 20.12; Dut 5.16

4 Odumadepuñanun aariyanunke egu fukeminiñ ore mama ñoño buñoyanun so odureru so keporeru kane yaberu goinebi. Onu matayon, Ofonde Kadi buño reñganimiñ ore qaji yareru ore so botiñ yabebi soguenimiñ. Onu.*

Kiñanqoqo eru siñan ñoñore unñowon buño

5 Kiñanqoqo ñoño moreño siñanpuñanun yonore buño Kristore buño onuine reñgaru migoba so eku goinebi. Buñoyanun egu odurenimiñ ore sombuñanun maneru gburugburu qaku goinebi. Mañ-ñanunji kiko so einebiyon, ñoño qin keru dimaku eba eku goinebi.*

6 Raupunanunji kukurere qoru fukebi ñiñigoji ñone añi enarenimiñ ore matayon, maiqambaran bokeru mañ-ñanun gioo ruaru baeinebi. Onu eru Anutire mañ añi boyoberu Kristore kiñanqoqo onuine fukeinebi.

7 Moreñ ñiñigo kiñan qa yareru onuine oiji Ofon inoyonñe kiñan qa teegobeneñ. Onu maneru gionanun Ofonde jiño maio sagain ore so beufineke baku goinebi.

8 Buño yo maneinebi: Ñoñore botugo goineji gio rauine gogobi eru goineji raupunanun oi furiyanun tomiri omaine kiñan qa yareku wawakine gogobi. Oi jibu uri yonoji gio fiine oi me oi baegobi, Anutuji ore furiine ñareme raugabi biñenun fukein. Buño oi manesuku goinebi.

9 Raupu eru kiñanqoqo ñoñore Ofon moakon inoji Sombun kaeo goga. Inoji ñiñigo goine

* 6:4: Kol 3.21 * 6:5: Kol 3.22-25

so ñone aji yaberu goine so sure yabeegayon, so moakonji osoeru buñonoñuñ mitari norein. Siñan ñoño oi mane mukugobi ore kiñanqoqo ogopuñanñuñ yonoke daman so mañmoakon eru so moakon eyareku pore kane so eyareku roroa bokeru goinebi. Onu.*

Anuture eriqarawen sosowo roru goinebi.

¹⁰ Qurañne qurañga forebemiñgo eru buño inji qurañgago: Ñoño Ofonke qakatoru dimabi usuñine yasogoji dobe ñaberu kitin ñabeko sananğaeinebi.

¹¹ Sembene Rauineji sakigo ruruare mamane buru fuñne fuñne eega, ñoño oi maigaku sanan qanqanine dimakimin ore Anuture eriqarawen sosowo roru kebi rakako goinebi.

¹² Niñoji moreñ ñinigo dari fuyanñunke yonoke jigo so qaegobenenyon, nemu mamari siñan eru kue gbiñ sembene sembene kiso eyarekimin ore dimagobenen. Nemu mamari siñan sembene moreñ qonikin botuyakuñgo morumbon ñeñeyanñungo ñeku koito onuine siñan gaegobi, oi qomukuru igoga yabeegobenen. Onuakon koito murañine qaçaji ropekiine eru wawakiine botunoñungo qisirire gemo qorumaninere ñi yoine goku yareya sosowo siñan gaegobi, niñoji yonoke jigo qaegobenen.

¹³ Ore eru kiso eyarekimin ore ñoño Anuture eriqarawen sosowo roru kebi rakako dimainebi. Onu dimabi rosipuñanñuñ daman sembeneo yabekimin ore porata wapeenimin, daman oo soine afagaru jigo qaku ode ronñin yabenimin

* 6:9; Dut 10.17; Kol 3.25; 4.1

eru jigo qabi tariko soine kae moreṅ-ṅaṅuṅgo osiṅgaku dimanimiṅ.

¹⁴ Eriqarawen-ṅaṅuṅ oṅuine oi keinebi: Buṅo foriine akonṅ mikiine oi bifunṅ oṅuine goyon-ṅaṅuṅgo kiperu dimainebi. Eebobo posiine sari oi omoṅaṅuṅgo maro mariku oṅuine keku dobu kikipe eru dimainebi.*

¹⁵ Kufu komonṅ keru soine qinṅ keru oderu rae-gobonenṅ. Ore so ṅoṅo womore Biṅe misauen-imiṅgo jauebi oiji maṅgo eṅareinṅ.*

¹⁶ Eriqarawenṅ oike jikigaru garikinṅ qoruine tinaine mamanesinṅ oi raugaru jijiki ruberu dimainebi. Sembene Rauineji iga noberu joiser-erenṅ noreinṅgo maneru tebe damuine botigaega, ore eesoi joine sosowo maro oiji kepieku sasabare einebi.

¹⁷ Anuture Munanqoqo Rauine oi biṅe gaku raugainebi. Raugabi biṅeṅaṅuṅ fukeko moke qowirienimiṅ, babaanṅ oiji qoruṅaṅuṅ aenṅ du oṅuine kebi kefagaru sabare ṅabeeinṅ. Moro Tiriineji jigore siqo sogo norega, oi Anuture Biṅe buṅo. Oi oṅuakonṅ raugaru maṅ wombun-ṅaṅuṅgo ruaru jigo oiji qaeinebi.*

¹⁸ Eriqarawen-ṅaṅuṅ sosowo oi keku damanṅ so Anutu oṅga wosiru weweu eku goinebi. Moro Tiriineji sako ṅaberu dobe ṅabeega ore so karieku kuyo teeinebi. ṅoṅo damanṅ so maṅgari goku jijiki Anuture ṅiṅigo gbagbataenṅine sosowo yonṅore eru yamenṅ keku oṅga wosieinebi.

¹⁹ Nonde oṅuakonṅ inṅi oṅga wosieinebi, “Anutu, go buṅo korunṅ poretinṅ Pol otende gore Bobianṅ

* **6:14:** Ais 11.5; 59.17 * **6:15:** Ais 52.7 * **6:17:** Ais 59.17

Biŋe sumuŋine oi buŋo miineji miin ore so mitaninŋaru koimo akon dimaku maŋbapakare eyareeine.”

²⁰ Nonji Bobian Biŋe ore eru Anuture minebobo ŋi qoruine fukegoyon, gioine baego ore eru daman yoo witi pigo nego. Ore eru Biŋe buŋo oi Anuture jinŋo maio sagain ore so koimo akon miku gobeminŋo ore onga wosiru goinebi. Onu.

Momojo buŋo tatariine

²¹ Yoro ogone Tikikus inŋoji nonde binan bako manenimin. Inŋoji Ofonke qakatoru gioine bose-qosembeine tomiri baega. Yoo uruŋu eba eku ŋeegobenen, oi sosowo ŋajiko ŋonŋo onuakon oi manenimin.

²² Niŋoji uruŋu ŋeku gogobenen, ŋonŋo binan oi manenimin ore Tikikus sorebe Efesus ŋonoreo foin. Inŋoji foru bomirin ba ŋareko soine waigo gonimin.

²³ Mamanonun Anutu eru Ofon Yesu Kristo yokoji maŋkerisie ogopunonun ŋonŋo womo baku manji jojoko enareru mamananin-ŋanun ba sananŋaeine.

²⁴ Niŋigo Ofononun Yesu Kristo daman tatariine tomiri manjoko eteru gonimin, Anuture yaunmoririji sosowo ŋonŋoke pe ropeine. Onu.

**Manʒekerisiere Bine Quran Jojofɔ Gariine
The New Testament in the Mape Language of Papua
New Guinea**

Nupela Testamen long tokples Mape long Niugini

Copyright © 2008 The Bible Society of Papua New Guinea

Language: Mape

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-24

PDF generated using Haiola and XeLaTeX on 18 Mar 2025 from source files dated 31 Aug 2023

8278cae8-b7ff-5cfb-8118-7ef9b429ffd9